



KENYATAAN MEDIA

PERKESO RAI 100 IBU TUNGGAL DAN ANAK YATIM SEMPERNA TAHUN BAHARU CINA 2022

KUALA LUMPUR – Sempena ketibaan Tahun Baharu Cina yang bakal disambut pada 1 Februari 2022, Kementerian Sumber Manusia (KSM) menerusi agensinya, Pertubuhan Keselamatan Sosial (PERKESO) mengambil peluang untuk meraikan seramai **100 penerima faedah PERKESO** dalam Majlis Sambutan Tahun Baharu Cina PERKESO 2022 di Hotel Majestic Kuala Lumpur.

Program Tanggungjawab Sosial Korporat (CSR) ini melibatkan penerima faedah PERKESO iaitu seramai **40** orang ibu tunggal dan **60** orang anak yatim dari sekitar ibu negara. Mereka telah menerima sumbangan berupa angpau dan hamper dalam majlis sambutan tahunan ini.

Penyerahan sumbangan tersebut telah disempurnakan oleh **Ketua Eksekutif PERKESO, Dato' Sri Dr. Mohammed Azman Dato' Aziz Mohammed**. Hadir sama meraikan majlis tersebut ialah Timbalan Ketua Eksekutif PERKESO, Encik John Riba Marin, Pengarah Eksekutif Pusat Rehabilitasi Tun Abdul Razak PERKESO, Datuk Dr. Hafez Hussain dan Ketua Bahagian Pengurusan Korporat PERKESO, Encik Mohd Shahar Ismail.

“Sebagai sebuah organisasi yang prihatin dalam memastikan keselamatan dan kebajikan pencarum serta orang tanggungannya, kami berharap penganjuran majlis ini dapat membantu meringankan kos perbelanjaan dan persiapan dalam menyambut perayaan penting ini. Selain itu, kami juga berharap agar majlis yang diadakan ini dapat memberi sinar kegembiraan dan memeriahkan lagi suasana sambutan Tahun Baharu Cina buat mereka,” kata **Dato' Sri Dr. Mohammed Azman Dato' Aziz Mohammed, Ketua Eksekutif PERKESO**.

Setelah hampir dua tahun tidak dapat dilangsungkan akibat penularan pandemik COVID-19, Majlis Sambutan Tahun Baharu Cina PERKESO 2022 ini diadakan sebagai salah satu daripada inisiatif agensi ini untuk 'turun padang' dan menyantuni penerima faedahnya, di samping dapat memperkukuh hubungan antara PERKESO dan pemegang taruhnya. Pelaksanaan inisiatif murni ini juga menzahirkan keprihatinan PERKESO terhadap rakyat Malaysia, khususnya buat mereka yang memerlukan bantuan semasa ketibaan musim perayaan ini.

Dikeluarkan oleh:

Bahagian Komunikasi Strategik

27 Januari 2021

Untuk sebarang pertanyaan, sila hubungi Shafiq Adnan di talian +6018 – 3246 720.
